



TOSHKENT DAVLAT YURIDIK UNIVERSITETI REKTORINING B U Y R U G ' I

20.02.2025

154-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va Ichki tartib qoidalarini buzish holatlari kuzatilmoqda.

Jumladan, Toshkent davlat yuridik universiteti va Rossiya Federatsiyasining N.I.Lobachevskiy nomidagi Milliy Tadqiqot Nijniy Novgorod davlat universitetining (keyingi o'rinlarda – NNDU) qo'shma ta'lim dasturi 3-kurs talabasi Jamolov Ilhomjon Javlon o'g'li fakultet dekanatini xabardor qilmasdan 2024-yil 8-dekabr kuni Tojikiston Respublikasiga uchib ketgan va 25-dekabr kuniga qadar Tojikistonda bo'lgan hamda 2024/2025-o'quv yili kuzgi semestrining o'quv mashg'ulotlariga sababsiz qatnashmagan. Holat yuzasidan talaba 2025-yil 17-fevral kuni yozgan tushuntirish xatida o'z tasdig'ini topgan.

TDYU-NNDU qo'shma ta'lim dasturi 3-kurs talabasi Jamolov Ilhomjon Javlon o'g'li mazkur harakati bilan TDYU Odob-axloq kodeksi 27-bandining beshinchi xatboshisi (mashg'ulotlarni sababsiz o'tkazib yubormaslikka) va Ichki tartib qoidolari 55-bandining "a" kichik bandi sakkizinchi xatboshisi (talaba o'quv mashg'ulotlari va nazorat imtihonlari vaqtida xorijiy davlatlarga chiqmoqchi bo'lganda, bu haqida safarga chiqish kunidan kamida yetti kun oldin fakultet dekanini yozma ravishda xabardor qilish va ruxsat olish) talablarini buzgan.

Toshkent davlat yuridik universiteti Odob-axloq kodeksi 27-bandining 5-xatboshi va Ichki tartib qoidalarining 55-bandining "a" kichik bandi 8-xatboshi hamda 83-bandiga asosan

BUYURAMAN:

1.Universitet Odob-axloq kodeksi 27-bandining 5-xatboshisi va Ichki tartib qoidolari 55-bandining "a" kichik bandi 8-xatboshisi talablarini buzganligi uchun Toshkent davlat yuridik universiteti va Rossiya Federatsiyasining N.I.Lobachevskiy nomidagi Milliy Tadqiqot Nijniy Novgorod davlat universitetining qo'shma ta'lim dasturi 3-kurs talabasi Jamolov Ilhomjon Javlon o'g'liga hayfsan e'lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanovaga):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya xatti-harakat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

